

Santiagoak ♦ SORALUZE

Santa Ana egunean, musika non-nahi

Denek ez dute jairik izango Santa Ana egunean. Izan ere, Nafarroatik etorritako dultzaineroak jo eta ke ibiliko dira egun osoan zehar giroa berotzen eta bazter guztietara festa eramaten. Goizeko 7:00etan ondo esnatuta egongo dira lizarritarrak, ordu horretan hasiko baitira goiz-eresia jotzen. Euren atzetik gaupasero guztiak bilduko dira eta lehoetan ere jendea azaltzen hasiko da, ordu erdi geroago zezenak irtengo baitira. Egitarauaren arabera 9:30ak arte izango dira idizkoak plazan; beraz, ez da goiz esnatzeko premiarik izango hauek ikusteko, baina kontuz egunkaria erostera joatean, animalia gizagaixoa edonon egon daiteke eta!

Goizeko 10:30etan buruhandiek eta erraldoiek bueltatxo bat emango dute umeak beldurtzeko eta nagusiei antzinako ipuinak burura ekartzeko; Lizarrako dultzaineroek lanean jarraitu beharko dute.

Ondoren, Plaza Zaharrean Arrio Gain gastronomia elkarteak salda eta txorizoa banatuko du gaupasero eta goizaleen artean. Eta hamaiketako egin ostean, pare bat txikito hartzeko baino ez da astirik izango, eguerdian puntu-puntu euskal eskulangintzaren erakusketa izango baita enparantzan. Bitartean, Larreategi trikitilari taldeak lekukoa hartuko die nafarrei eta eguerdiko kalejira euren kontura joango da. Eguerdiko 13:00etan herriko dantza taldeak saioa eskainiko du.

* Musika eta kirolak

Bapo-bapo bazkaldu eta siesta ederra egin ondoren, arratsaldeko 17:00etan bilduko dira berriz soraluzetarrak Plaza Zaharrean eta guraso eta aiton-amonek eginiko publizitateari esker txokoa leporaino betetzea espero da. Bertan, Soraluzeko Musika Eskolako akordeoi taldeak eta orkestrak kontzertua eskainiko


dute. Strauss, Verdi, Brahms eta Beethoven artisten lanak joko dituzte eskolakumeek eta, beraz, urtean zehar ikasitakoak merezitako txaloak jasoko ditu gaur. Laskurainek landutako *Tango Plaentxiarra* partiturak amaiera emango dio kontzertuari. Soinu joleek, aldiz, *Adelita*, *El Gato*

Montes eta *Larrosa Kolorez Jantzita* lanak eskainiko dituzte besteak beste.

Baina musikazaleak, edota senideak, Plaza Zaharrean dauden bitartean, kirolzaleek *squash* txapelketan parte hartzeko aukera izango dute; arratsaldeko 18:00etan kirol sasiberri honen

finalak jokatu baitira udal kiroldegian. Ondoren, arratsaldeko 19:00ak inguruan, azken emanaldi bat izango dute dultzaineroek. Oraingoan, zezenak kalean ibiliko dira eta eurei, berriz ere, giroa alaitzea tokatuko zaie.

Gauean, Egan Berria taldeak joko du Plaza Zaharrean egitarau



Umeek goizeko orduak ederki pasatuko dituzte kalean ibiliko diren erraldoi eta buruhandiekin.



7:00etan: Lizarrako Gaiteroen kalejira.
7:30etan: Zezenak 9:30ak arte.
10:30etan: Erraldoiak eta buruhandiak umeentzat. Lizarrako gaiteroekin.
11:00etan: Salda eta Txorizoa Plaza Zaharrean Arrio Gain gastronomia elkarteak antolatuta.
12:00etan: Euskal eskulangintza erakusketa Plaza Zaharrean eta Larreategi Taldea trikitilarien kalejira.
13:00ean: Herriko dantza taldearen saioa.
17:30etan: Soraluzeko Musika Eskolako akordeoi taldearen eta orkestraren kontzertua Plaza Zaharrean.
18:00etan: *Squash* txapelketako finalak udal kiroldegian.
19:00etan: Zezenak. Lizarrako gaiteroek alaiturik.
23:00etan: Egan Berria musika taldeak alaituriko dantzaldia Plaza Zaharrean.

ofizialaren arabera; baina kiroldegian gainean beste kontzertu martxosoagoa prestatu dute gaurko ere Eguzki talde ekologistak, SOTA Soraluzeko Talde Antimilitaristak eta Gaztetxeak. Oraingoan, Bartzelonatik Ska Tropikala taldea ekarriko dute eta eurekin batera herriko txararak ere joko du Santa Ana Egunean. Emanaldia gaueko 23:30etan hasiko da eta musutruk izango da.

Horrela ba, gaur ez da asperetzeko astirik izango Soraluzen, baina egun osoan firin-farin ibiltzeko aukera izango den arren, faltan botako dituzte herriarrek estropadak. Orain dela pare bat urtera arte, txalupa prestatu eta Ego ibaira jaisten zen zoro bat baino gehiago lasterketan parte hartzea, baina Deba errekan obraren bat egiten dihardutela eta hustu egin behar izan dute zatitxo bat. Horregatik, dagoeneko konponduta dagoen arren, aurtan ezingo da kostaldeko arraunlarien errekorra hausteko ahaleginik egin.

MARI JOSE TELLERIA

GANTXEGI
ELEKTRIZITATEA
Errekalde, 2 Tf.: 75 19 59 SORALUZE

Carlos Astigarraga, S.L.
ITURGINTZA eta BEROGINTZA
Jai zoriontsuak opa dizkizuegu!
Santa Ana 23-3 eskb. Tf.: 75 13 36
Mugikorra: 908-57 92 39 20590 SORALUZE

SAN ANDRES
iturgintza
Berogailu, sukalde, bainu eta gas instalakuntzak
Rabal kalea, 2 behea
Tf.: 75 16 46
20590 SORALUZE

BENITO
ALTZARIAK
Sukalderako eta bainugelarako aurrekontuak konpromesurik gabe
Santa Ana, 26 Tf.: 75 20 47 SORALUZE

Erretegi
Jatetxea
ESOZIA
Esozia auzoa, z/g

ASTEAN EGUNEROKO MENUA
ASTEBURUAN AUKERA APARTA!!!
ZATOZ!!!

Tel.: 943 75 10 01 SORALUZE